

TABAKISMOA. Erretzaileek erabili ahal izateko tokiak egokitu beharko dituzte enpresa guztietan ordurako

Lau urte barru ezin izango da erre Hego Euskal Herriko lantokietan

Espainiako Osasun Ministerioak eta Hegoaldeko bi administrazioek tabakismoari aurre egiteko plana onartu dute

I. Petxarroman | DONOSTIA
N. Arbelbide | BAIONA

2007rako, Hego Euskal Herriko lantoki eta enpresa guztietan debekatuta egongo da erretzea. Atzo onartu zuten Espainiako Osasun Ministerioak eta autonomia erkidegoek —Nafarroa eta Euskal Autonomia Erkidegoa barne— Tabakismoa Kontrolatu eta Prebenitzeko 2003-2007 Plan Nazionala. Enpresa guztietan tokiak egokitu beharko dituzte erretzaileek erre ahal izateko.

Horretarako behar diren kanpaina guztiak egingo dituzte, erretzearen ondorioez oroitarazi eta ez-erretzaileek kontzientzia har dezaten eskubidea dutela kerik gabeko espazioetan lan egiteko.

Atzo onartutako planak aurreikusten du aurten erretzea debekatuta egon behar duela ikastetxe, osasun zentro eta erakunde publiko guztietan. Zentro horietan debekatzeko legea 1998tik dago indarrean, baina ez dute lortu zentro horietatik erabat ezabatzea erretzeko ohitura. Horregatik, aurrerantzean ikuskatzaile eta zain-tzaile sare zabal batek zainduko ditu zentro horiek, legea betetzen dela ziurtatzeko.

2005erako, herritarrei harre-ra egiten dieten enpresa guztietan debekaturik egongo da erretzea. Urte horretan bertan, enpresa pribatu gehienetan erretzaileentzako guneak egokitzea espero dute planaren egileek: hain zuzen ere, enpresen %70etan.

Azkenik, planak aurreikusten du gehienez 2007rako lantoki eta enpresa guztietan debekatuta egongo dela erretzea. Neurri horri muzin egiten dieten enpresek aurre egin beharko diete autonomia erkidegoek ezarritako itunei.

18 urtez azpikoek ezin izango dute tabakorik erosi

18 urtez azpiko gazteek ezin izango dute tabakorik erosi, atzo onartutako planaren arabera. Gaur egun, 16 urterekin erosten ahal da tabakoa. Hala-ber, zigarreta solteak erostea ere debekatuta egongo da. Normalean, gazteek eta adingabeek erosten dituzte horrelako zigarreta solteak, eta horri aurre




ESKUALDE ARTEKO BATZORDEKO BILERA. Ana Pastor Espainiako Osasun ministroa eta Katalunia eta Valentziako osasun sailburuak atzo, tabakoari aurre egiteko plana onartzeko saioan.

Tabakoaren kontsumoa Hego Euskal Herrian (2000-2001)


Legedi berria

- Tabakoa erosteko adina 16 urtetik 18 urtera pasatzen da.
- Zigarro solteak saltzea debekatzen da, adin txikikoek eskura ditzaten saihesteko.
- Adin txikikoek erabiliko ez dituztela ziurtatzeko tresnaren bat izan beharko dute tabako makinek.
- Tabakoaren prezioa garestitzeko neurriak hartuko dira.
- Debekuaren epeak
 - Urte amaierarako ezingo da erre ikastetxeetan, osasun zentroetan eta erakunde publikoetan.
 - 2005ean herritarrei harrera egiten dien enpresetan.
 - 2007an lantoki guztietan.
- 2005ean enpresa guztiak ziurtatu beharko dute ez erretzaileek kerik gabeko toki bat izango dutela.
- Administrazioak antolatutako ekitaldietan ezingo da erre.
- Tabakoa sustatzea eta publizitatea egitea debekatuko duen legea egingo da.
- Estatuak finantzatzeko dituen erretzeari uzteko tratamenduak.
- Kerik gabeko guneak izateko herritarrek duten eskubidearen berri emateko kanpainak egingo dira.

Banaketa



Sexuka



Adinka (%)

EAE	ADINA	15-19	20-24	25-34	35-49	50-64	65-79
Erretzaileak		23,6	37,9	45,2	38,6	18,1	7,4
Noizb. erretzaileak		24,4	15,9	19,1	18,5	17,2	14,9
Erretzaile ohia		1,3	2,1	10	18,7	15,8	17,5
Ez erretzaileak		50,4	44,1	25,7	24,3	48,9	60,2

Nafarroa	ADINA	15-24	25-34	35-44	45-54	55-64	65-79
Erretzaileak		36,9	40,9	35,2	29,9	21,5	7,4
Noizb. erretzaileak		11,9	8,2	6,7	9	4,9	3,3
Erretzaile ohia		6,7	13,9	20,8	18,7	20,1	20,7
Ez erretzaileak		44,5	37	37,3	42,4	53,5	68,6

Iturria: Eusko Jaurlaritza (2000) eta Nafarroako Gobernua (2001)

J. APEZTEGIA

NAFARROAREN KASUA

Dekretu aitzindaria onartu zuen Nafarroak iaz

Nafarroako Gobernuak iaz onartu zuen foru dekretuak atzo onartu zituzten neurri gehienak aurreikusten ditu. Foru dekretuak herrialdeko enpresetan erretzea debekatzeko du. Besteak beste, bi langiletik gorako enpresetan tabakoa erretzeko leku bereziak jartzea aurreikusten du dekretuak, edo bestela lantoki osoan debekatzeko aurreikusten du.

Bestetik, dekretuak debekatzeko die saltzaileei 18 urtez azpiko gazteei tabakoa saltzea, atzo Madrilan onartu zuten legeak moduan.

Lege proiektuak ere tabakoaren inguruko edozein babes edo komunikazio komertzial debekua jartzen dio.

Nafarroako Gobernuak iazko maiatzaren 27an onartu bazuen ere Tabakoazaletasunari aurre egiteko lege proiektua, Nafarroako Parlamentuak oraindik ez du onartu, eta, beraz, legea oraindik ez da garatu eta indarrean jarri.

egin nahi diote plan berriarekin. Halaber, legedi bat egingo dute tabakoaren publizitatea eta kontsumoaren sustatzea debekatzeko duena, bai komunikabideetan eta bai gazteak protagonista gisa hartzen dituen edozein alorretan.

Gune itxi eta estalietan ezin da erre lpar Euskal Herrian

1991n bozkatu zen tabako menpekotasunaren aurkako Evin Legea Frantzian. 1991tik 1997ra tabakoaren salmenta legala %11 apaldu dela diote botere publikoek. 1993ko urtarri-laz geroztik, gune kolektibo, garraio eta ikastetxeetako leku itxi eta estalietan ezin da gehiago pipatu. Besteak beste harreraleku, jantoki, bilkura gela, pausagune eta kirola egiteko toki itxietan ezinezkoa da. Ikastetxeetara dagokienez, kanpoan ere